



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726-444; 726-400
fax. +387 33 726-423
e-mail: info@voda.ba

Broj: **UP-1/21-3-40-164-8/23**
Datum: **30.10.2023. god**

«Agencija za vodno područje rijeke Save» Sarajevo rješavajući po zahtjevu Kljajić Ruže, Renata i Mirka iz Žepča, zastupanih po odvjetniku Tadić Miroslavu iz Žepča, za donošenje rješenja o vodnoj dozvoli za ispuštanje tehnoloških otpadnih voda u prirodni recipijent sa lokacije objekta samouslužne autopraonice u naselju Novi Šeher, općina Maglaj, na osnovu člana 121. stav (3) Zakona o vodama («Službene novine Federacije BiH», broj 70/06) i člana 218. stav (2) Zakona o upravnom postupku («Službene novine Federacije BiH», broj 2/98, 48/99 i 61/22) donosi

ZAKLJUČAK

Odbacuje se zahtjev Investitora Kljajić Ruže, Renata i Mirka iz Žepča za donošenje Rješenja o vodnoj dozvoli za ispuštanje tehnoloških otpadnih voda u prirodni recipijent sa lokacije objekta samouslužne autopraonice u naselju Novi Šeher, na zemljištu označenom kao k.č. broj: 1017/7 K.O. Novi Šeher, općina Maglaj zbog nepotpunosti dokumentacije i smatra se kao da nije ni podnesen.

Obrazloženje

Kljajić Ruža, Renato i Mirko iz Žepča, zastupani po odvjetniku Tadić Miroslavu iz Žepča, obratili su se ovoj Agenciji sa zahtjevom za izdavanje vodne dozvole, zaprimljenim 19.04.2023., za objekat samouslužne autopraonice u naselju Novi Šeher, na zemljištu označenom kao k.č. broj: 1017/7 K.O. Novi Šeher, općina Maglaj.

Uz zahtjev nije dostavljena dokumentacija koja je propisana članom 12. i 19. stav (2) Pravilnika o sadržaju, obliku, uvjetima, načinu izdavanja i čuvanja vodnih akata («Službene novine Federacije BiH», broj: 31/15, 55/19, 41/20 i 63/22) te je dopisom broj: UP-1/21-3-40-164-2/23 od 24.04.2023., zatražena dopuna dokumentacije neophodne za vođenje upravnog postupka od strane ove Agencije. Molbom od 08.06.2023., zaprimljenom 09.06.2023., podnosilac zahtjeva je zatražio produženje roka za dopunu dokumentacije, što je i odobreno dopisom broj: UP-1/21-3-40-164-4/23 od 09.06.2023. godine. Ostavljen je rok za dopunu od 30 dana od dana prijema dopisa.

Kako podnosilac zahtjeva nije dopunio svoj zahtjev, niti se očitovao o razlozima ne dostavljanja tražene dokumentacije, to je urgencijom broj: UP-1/21-2-40-164-5/23 od 21.08.2023. dat novi rok za dopunu dokumentacije, odnosno 20 dana od dana prijema urgencije.

Podnosilac zahtjeva je Molbom od 31.08.2023. zatražio novo produženje roka za dopunu dokumentacije. Uzimajući u obzir razloge navedene u Molbi, odobreno je novo produženje roka dopisom broj: UP-1/21-3-40-164-7/23 od 18.09.2023. Ostavljen je novi rok od 30 dana od dana prijema dopisa.

Kako podnosioc zahtjeva nije dopunio svoj zahtjev do ostavljenog roka, kao ni do dana donošenja ovog Zaključka, to je u skladu sa članom 121. stav (3) Zakona o vodama i člana 218. stav (2) Zakona o upravnom postupku riješeno kao u dispozitivu ovog zaključka.

Uputa o pravnom lijeku:

Protiv ovog Zaključka može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Zaključka.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta: Sanja Miličić, građ.ing.

Po ovlaštenju

Rukovodilac sektora za izdavanje vodnih akata



Haris Ališehović
Haris Ališehović, dipl.ing.građ.

Dostaviti:

- Odvjetnik Miroslav Tadić (punomoćnik Kljajić Ruže, Renata i Mirka)
Ulica Prva bb, 72230 Žepče
- AVP Sava, ISV – vodna knjiga
- Sektor 40 – arhiva
- Oglasna ploča – AVP Sava